

Joshi, 10j.



suechet äs nöiis Daheime mit Freigang

Hoi Du da,

ja DU, Dig mein ig, bisch Du min nöiie Mönsch? Nach Dir suech ig! Warum? Mini Familie het sich trännt u mir sy aui usenang züglet. Ig wohne bim «Papi», abr d'nöiie Umgäbig isch nid würtlech Freigänger-touglech, viu z'gfährlech für mi mit dr Houptstrass u däm Verchehr da, das geit nid lang guet. Itze sueche ig es Plätzli, wo ig usse cha, u zwar uugfährlech. Drum!

Ig bi 10jährig, kaschtriert, gimpft, chipped, gsung, schtuberein u sähr säubschtbewusst. Ig liebe: Schmüsele u Buuch chräbbele (abr nur, wenn u so lang ig wott), chei Göttr näbe mir (nur ig i mim eigene Reich u mini Diener), min Freigang (geh nid so wiit u bi ou nachts dinne) u üseri Meersäuli. Du siehsch: ig bi e Charaktrchatr par Excellence. Ig bi gärn dr Chef u entscheide gärn säubscht, ou, wer mi wo aafasse tuet. U wenn dr Mönsch das nid iisieht, denn chan ig ou mou chratze odr biisse. Abr wenn Du mi läse chasch, u das cha mer, ig zeiges Dir, denn passiert nüt. Ig bi scho aahänglech, abr uf Abschtand aahänglech. Drum suech ig itze widr es Daheime ohni Ching, Hung u angeri Chatz, bi chatzeerfahreni Lüüt, di wo mi eifach Joshi lah sy. Di wo mi aus Chef akzeptiere u di wo gärn mini Bedienschtete wönnt sy: Dose öffne, Chischtli putze, Leckerli iichoufe, min Buuch chräbbele (wenn ig grad Luscht ha). Das wäret denn so Dini Ufgabe. Freigang ir verkehrersarme Umgäbig isch es Muess, ig wott usse u nachm Rächte luege, muess doch mis Revier im Griff ha. Ig bi scho territoriau, ig gäb's ja zue, mis Revier isch mis Revier u das bliibt ou so.

Wohnsch Du i so ere verkehrersarme Gägend mit Grün umme? Bisch Du chatzeerfahre u hesch Du Geduud mit mir? U cheis Problem dermit, dass ig nid immr so ds Schmusebüsi ufm Sofa bi? U wottsch Du mit mir uf Läbensziit zämewohne u mi aus Einzelprinz verwöhne u mir diene? Soviu Wünsch uf eimau, gäu? Chasch Du die mir erfüue? Ja? Das wär's! Denn müesset mir üs unbedingt lehre chenne. Ig wohne im Moment no z'Kehrsatz/BE, züglet abr gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Ig tröime scho mou vo mini Uusflüg in Dineri Umgäbig !

Din Joshi



Katze sucht Mensch - Mensch sucht Katze

Sonja Ball

Tel.Nr. 079 333 45 62 (werktags 18-20h)

kontakt@katze-sucht-mensch.ch